A decorative rectangular frame with ornate, symmetrical corner pieces. The frame encloses the central text.

Theodore
Besterman

P

S

I V S T I L I P S I
DE BIBLIOTHECIS
S Y N T A G M A.

Editio secunda, & ab ultimâ Auctoris manu.



A N T V E R P I Æ,
EX OFFICINA PLANTINIANA,
Apud Ioannem Moretum.
cId. Idc. vii.
Cum Privilegiis Casareo & duorum Regum.

ILL^{MO} ET EXCELL^{MO}

PRINCIPI

CAROLO

DUCI CROIIIO ET ARSCHOTANO,
PRINCIPI S. IMPERII,
EQVITI AVREI VELLERIS.



HOC De BIBLIOTHECIS
quod scripsi, ILLV-
STRISIME PRIN-
CEPS, ipsum ire ad te
ambiebat, vix me mit-
tente. Quis nescit te
eximium inter Belgij proceres esse, qui
harum rerum elegantia & studio capia-
tur? Itaque cum alia artium veterum in-
struis & adornas, tum *Nummos & Bibliothe-*
cas maximè: de quibus istis Commen-
tarium hunc concepi & digessi, non vo-

ce sed factō tuo incitatus . qui vidi quā
 magnorum illorum Regum siue He-
 roum exempla , in conquirendis aut
 propagandis talibus , æmuleris & asse-
 quare . Assequare , inquam : quid mi-
 rum ? omnia magna & ampla in te , aut
 iuxta te : quem Deus , Natura , Fortuna

Omniibus ornatum voluere excellere rebus.

Stirpem tuam video ? à regibus est . Opes ?
 pænè regiæ . Animum ? planè regius : &
 quid nisi altum ac magnificum illo con-
 cipis , factis promis ? Ad longinqua non
 eo : vna H E V R I A tua , huic vrbi in
 ore atque oculis , fidem facit , quā ni-
 hil nisi stirpe , opibus , animo isto di-
 gnum cogites ac patres . Quæ tua ibi
 opera ? ingenio cum ingenio loci pu-
 gnas ac superas , ardua in plana , hæc in
 ardua deducis : sed omnia ad normam
 & decorem dirigis : alter , vt verbo di-
 cam,

cam, BELGICVS LVCVLLVS. Non indignare, ILLVSTRIS-
SIME PRINCEPS, cum illo componi : verâ æstimatione,
inter raros magnósque fuit : bellis victo-
riísque in florente ætate celebris : & mox
inclinante , ad quietem & ad se inclina-
uit , id est animum & studia coluit , at-
que opes in præsentium ac posterorum
delectationem siue vsum impendit . Ab
illo Bibliothecarum Romæ præcipuum
exemplum ; ab illo eruditi in sermone,
mensâ , domo habiti ; ab illo denique
Prætoria & amœnitates structæ , quæ &
Principes rei Romanæ postea frui vti-
que æstimarunt . Tu , inquam , noster
PRINCEPS imitaris . Nam in cali-
gine hac rerum temporúmque , patriæ
& Regi operâ laudabiliter nauatâ , copijs
triumphísque ductis ; vergente iam æuo,
portum hunc quietis & te respicis , & ab

externis ad interna, id est verè bona, reducis. Inter varios autem secessus, H E V R I A M, Academiae nostrae hoc suburbanum, eligis: & eam magnificis, ut dixi, operibus, quid nisi in artium ingeniorumque præcipuè usum, adornas? Audeo dicere. tua illa ædificia, ambula-cra, horti, fontet, arboreta, nobis structa aut fata: & non solum qui nunc sunt, fruuntur, id est transeunt, adeunt, ineunt: sed & qui venturi, facient: venturi autem, vel huius oblectationis deinceps, non Louanij solius, causâ. Omitto alia & interiora, quæ augendo vel ornando huic Athenæo cogitas: magnifica & te Principe digna, sed in tempore magis promenda. O igitur curæ & quietis felicem! perseuera. & istâ te, illâ nos pascere, cum æterno bono tuo simul & famâ. Nos certè, qui publicè lo-
qui-

7
quimur aut scribimus, id est famæ quidam præcones, cælo tuum nomen feremus: ipsum te Deus inferet, iustus arbiter & munerator meritorum. Vo-
ueo ILLVSTRISIME PRINCEPS

æternum tuus

I. LIPSIVS.

Louanij, XII. Kal. Iul. ∞. 1662.

AD

AD LECTOREM.

* nec per
feminum.



REVE hoc De Bibliothecis, id
est libris, habes: quid nobis dignius,
qui libros assidue tractamus? Et si re-
uerà * ὅδ' ὅν' hoc cogitaram, nisi me
Principis Viri, cui dicatum iuimus,
in hac re studium excitasset. Atque
hostiles in bonis altisque consilijs confirmare aut & in-
flammaré, optimo publico censeo equidem fieri. Quàm
pauci magnatum se eò dant? quàm ad pristinas sordes
& tenebras omnia videntur ire? Quàm etiam, spre-
tis antiquis & veris, noua quadam hodie procidunt
doctrinarum! quibus illud iure dixeris:

* Prompta
viâ & pa-
rète, quæ
femina.

* Οδοῦ παρ' ὅς τιν' ἀτρεπὸν ἵπτεται.


Viderint. nos prisca adheremus: & utiliter sæpè (ita
confido) eruimus, digerimus, illustramus. Fave tu, bo-
nae mentis lector.

2

I V S T I L I P S I DE BIBLIOTHECIS S Y N T A G M A.

C A P V T I.

Bibliotheca, & Libraria, quid? Reges veteres habuisse, atque illos Ægypti.

IBLIOTHECA tria significat, *Locum, Armarium, Libros*. Græca vox Latinis in vsum etiam venit, & quamquam *Librariam* dicunt, tamen magis est eâ voce tabernam capi, in quâ venales libri exstant. Sed Bibliothecarum res vetus, &, nisi fallor, cum ipsis litteris adinuenta. Nam simul ac scire & sapere natum est, mox etiam scribere: & istud esse cum fructu non potuit, nisi vt libri adseruarentur & disponderentur, ad præsentium & posterorum vsum. Priuata primùm ea cura, & quisque sibi suisque struebat: postmodum Reges & Dynastę vsurpant, nec in vsum solùm, sed ambitionem aut splendorem. Sanè multos congerere, vix fuit priuati hominis aut census: cùm tarda & impendiosa descriptio esset: donec vtilissima hæc Typographia rem in compendium misit. Qui primus Regum illustrem habuit (quod memoria seruet) is fuit Osymanduas, Ægypti. qui inter alia operum præclara, *Sacram Bibliothecam struxit, & in eius*
B fronte

Lib. I.

Eustat. in
Præfat.
Odyss.

fronte præscripsit, Ψυχῆς ἰατρῆον: ANIMI MEDICA OFFICINA. Ita Diodorus. & quamquam ille inter veteres Regum fuerit, non tamen dubito exemplum, si non ipsam rem, mansisse, & in Ægypto Bibliothecas semper aliquas exinde exstitisse: idque in tēplis præcipuè, & sacerdotum curâ. Multa argumento, tum & illud de Homero: quem Naucrates quidam plagij accusat, & in Ægyptum cū venisset, libros repperisse *Phantasiæ* fæminæ, quæ Iliadem atque Vlyssam scripserit, & *Memphi in templo deposuerit Vulcani*. Homerum igitur vidisse, sibi adscripsisse, & edidisse. Quæ in viro, opinor, falsa, rem tamen & morem firmant.

CAP. II.

Alexandrina Bibliotheca, cui Philadelphus primus & præcipuus auctor. Varietas & numerus ibi librorum. Combusta, & iterum instaurata.

Lib. I.

SED reliquæ ibi in obscuro sunt, *Ptolomæi Philadelph*i Regis in magnâ luce & laude fuit. *Is Ptolomæi Lagi* filius, secūdus eo nomine & stirpe Ægypti regum: artium & ingeniorum cultor, & quod adhæret, librorum. Itaque Alexandriæ ingentem Bibliothecam composuit: instructione & exemplo Aristotelis adiutus, imò & ipsis eius libris. Nam Aristoteles, ut pòst dicam, copiâ & dilectu insignem Bibliothecam adornauerat. de quâ Strabo: *Ἀριστοτέλης πρῶτος, ὃν ἰσχυρῶς συναγαγὼν βιβλία, ἐδίδάξας τοὺς ἐν Αἰγύπτῳ βασιλεῖας βιβλιοθήκης συντάξιν.* *Aristoteles primus, quos norimus, collector librorum fuit, & reges in Ægypto docuit Bibliothecæ structuram.* Quæ tamen cautè & cum

cum sua interpretatione legenda: nec enim vel *primus omnino* fuit; & certè æuo anterior, docere *Philadelphum* hunc non potuit, nisi, vt dixi, exemplo. Hoc fortasse verum, quod Athenæo scriptum: *Aristotelem, Theophrasto* Lib. 1. *libros reliquisse, hunc Neleo. à quo eos mercatus Ptolemaeus, cum ijs quos Athenis & Rhodi coëmerat, omnes in pulchram Alexandriam transferri curauit.* Et si alij tamē dissentiant, vt in loco dicam. Sed Bibliothecam igitur ille vndique, & omne genus libris, instruxit: etiam sacris, & è Iudæâ petitis. Nam cū aures eius fama tetigisset Hebrææ sapientiæ, misit qui libros deposcerent, & idoneos simul homines conduxit, qui in Græcam linguam verterent, communi omnium vsui. Ea interpretatio est, quam *Septuaginta*, à numero scilicet qui operam dederunt, dicunt. Id euenisse anno eius regni xvii. Epiphanius tradidit, Olympiade cxxvi. Præerat Bibliothecæ, vir scriptis & factis illustris, Demetrius Phalereus, exsul à suis Athenis: & quem rex benignè habitum ad hæc & maiora ministeria admouit. Idemque à Chaldæis, Ægyptijs, Romanis etiam libros petiuit, & pariter in linguam Græcam transfundi curauit. De quibus Georgium Cedrenum capio: *Philadelphus libros Sacros, Chaldaicos, Ægyptios, & Romanos, aliósque diuersilingues in Græcam omnes conuerti curauit, in vniuersum ad centum millia voluminum: quæ omnia in bibliothecis suis Alexandria reposuit.* Duo noto, & curam peregrinos libros vertendi, vtilem meo animo, & vobis PRINCIPIBVS etiam nunc vsurpandam: & numerum librorum, grandem satis, sed non pro vero, si de vniuersis capiamus. Quod abnuo, & Cedreni mentem de conuersis tantū esse arbitror: atque

De ponder.
& mensur.

Lib. xxix.

ipſos primogenios Græcos, longè ſuperaffe. Hoc alij ſcriptores dixerint, qui valdè adaugent. vt Seneca noſter:

De Tran-
quil. cap.
ix.

Quadringenta millia librorum Alexandria arſerunt, pulcherrimum regiæ opulentia monumentum. Sanè pulcherrimum, & ſupra gemmas omnes vel aurum: ſed quanto pulchrius, ſi vberius? Nam nec is Senecæ numerus ex vero ſatis, & ad *Septingenta millia* redigendus. Iosephus

xii. An-
tiq. cap. ii.
& Euseb.
De præ-
par. lib.
viii. ex
Aristeâ.

doceat, qui tradit *Demetrium* (illum Præfectum, de quo dixi) *aliquando interrogatum à Philadelpho, quot millia librorum iam haberet? reſponſiſſe, ducenta millia admodum, ſed ſperare breui ad quingenta.* Vides, quàm auxerit: ſed quanto magis poſteâ, atque etiam alij Reges? Profectò ad *Septingenta millia* venerunt, Agellio diſertim ſcribente: *Ingens numerus librorum in Ægypto à Ptolomeis regibus vel conquiſitus (emptione) vel confe-*

Lib. vi.
cap. vlt.

ctus (descriptione) eſt, ad millia fermè voluminum ſeptingenta. Idem Ammianus, verbis ſtatim dandis: idem Iſidorus, ſed emendandus: *Septuaginta millia librorum Alexandria, Philadelſi temporibus, inuenta ſunt.* Scribendum, inquam, *ſeptingenta.* O theſaurum, ſed in re æternâ non æternum! Nam totum hoc, quidquid fuit librorum, bello ciuili Pompeiano perijt, cùm Cæſar in ipſâ vrbe Alexandriâ bellum cum incolis gereret, & tuitionis ſuæ cauſâ ignem in naues miſiſſet; qui & vicina naualibus, ipſamque Bibliothecam comprehendit & abſumpſit. Trifte fatum, & Cæſari (etſi abſque deſtinatâ culpâ) pudendum! itaque nec ipſe in tertio Ciuilium, nec Hir- tius deinde meminêre: alij tamen; vt Plutarchus, Dio, etiam Liuius, vti ex Senecâ facile eſt haurire. Nam poſt ſuperiora illa verba, addit: *Alius laudauerit, vt Liuius,*
qui

qui elegantia regum curaq̃, egregium id opus ait fuisse. Sunt ipsa Liuij verba, vbi de hoc incendio : & iusto elogio in rem & Reges. Sed de hoc tristi igne etiam Ammianus : *Inter templa eminet Serapéum, in quo Bibliotheca fuerunt inastimabiles ; & loquitur monumentorum veterum concinens fides, septingenta voluminum millia, Ptolomæis regibus vigilijs intentis cōposita, bello Alexandrino, dum diripitur ciuitas, sub Dictatore Cæsare conflagrasse.* Ipse in direptione euenisse vult: itemque Agellius. *Ea omnia volumina, inquit, bello priore Alexandrino (ad discrimen eius, quod sub Antonio) dum diripitur ciuitas, non sponte neq̃, operâ consultâ, sed à militibus fortè auxiliarijs incensa sunt.* Excusat verò ipse non Cæsarem tantum (quo quid librorum aut ingeniorum amantius?) sed Romanos milites, & culpam hanc ad externos auxiliares ablegat. Ceterum de direptione, non ita Plutarchus aut Dio: quos est videre. Hic igitur finis nobilis Bibliothecæ, Olympiade CLXXXIII: cū vix CCXXIIII. annos fuisset. Etsi reuixit tamen, non eadē (quā id potuit?) sed consimilis, & eodē loci, id est in Serapéo, collocanda. Auctor reparandi Cleopatra, illa amoribus Antonij famosa: quæ ab eo in auspiciū & velut fundamētum operis impetrauit Bibliothecam *Attalicam* siue Pergamenam. Itaque totam cū dono cepisset, & transferri curasset, iterum adornata auctaque est, & Christianorum etiam temporibus, in vitā & famā fuit. Tertullianus: *Hodie, apud Serapéum, Ptolomæi Bibliotheca, cum ipsis Hebraicis litteris, exhibentur.* Nota, apud Serapéum iterum fuisse, id est in eius porticibus: atque id vicinum portui & naualibus, ex Strabone alijsque discas. Nota, & *Ptolomæi Bibliothecas*

Lib. XXII.

Lib. VI.

Apolog.
cap. XVIII.

dici: etsi reuera non illæ iam essent, sed consimiles, & primogenij illi Hebraici libri, vnâque LXX. interpretatio, flammâ perijssent. Tamen ecce, tanta auctoritas & fides ab antiquo eius Bibliothecæ, vt Tertullianus gentiles eò aduocet aut amandet. Credo stetisse, quamdiu ipsum Serapæum, immensæ molis & stupendi artificij templum: quod Christiani denique, Theodosij maioris imperio, vt arcem superstitionis, demoliti à fundo sunt, Ecclesiasticis scriptoribus traditum & laudatum.

Ruffin. II.
cap. XXIII.
itemque
Socrates &
Sozomen.
alij.

CAP. III.

Græca Bibliotheca. Pisistrati & Aristotelis præcipua, itémque Byzantina.

ATQVE ista de Ægypti Bibliothecis repperi, pauca & parua fortasse de multis & magnis. Sed æuum scilicet absorpsit: quod & in *Græcia Bibliothecis* liceat accusare. De quibus nobilioribus, strictim Athenæus: vbi *Laurentium* suum ita in hoc studio parandorum librorum dilaudat, vt dicat eum, *Polycratem Samium, Pisistratum tyrannum, Euclidem Atheniensem, Nicocratem Cyprium, Euripidem poëtam, Aristotelem philosophum superasse*. Et de omnibus istis singillatim non habeo dicere: nisi de *Pisistrato*, cui & laudem primi auctoris in hoc studio Agellius adscripsit. Et sanè *Polycrates* æuo ferè concurrat. Sed Agellij verba: *Libros Athenis disciplinarum liberalium, publicè ad legendum præbendos, primus posuisse dicitur Pisistratus tyrannus*. Magnus vir (odiosum hoc modò cognomen tolle) & cui Homerum etiam digestum & correctum

Lib. I.

Lib. VI.

rectum numquam soluturi debemus. Adeò Critica hæc cura olim Principum, imò Regum, fuit. Ea Bibliotheca ab ipsis deinde Atheniensibus variè aucta, donec spoliavit & auexit Xerxes, Athenarum potitus. Sed eosdem, * multis pòst annis, Seleucus Nicanor, Syriæ rex, liberaliter remittendos Athenas curavit, donauitque. Et mansisse deinde ad Sullæ tempora, qui & ipse Athenas cepit, diripuit, afflixit: postea tamen instauratam, iustè opinor. quomodo enim mater artium, sine instrumento hoc librorum? Imò plures ibi Bibliothecæ postea: & *Hadrianus Imp. Jovis Panellenij ædem Athenis struxit, & in eâ Bibliothecam*, Pausaniæ scriptum. Sed de *Euclide*, quod ait Athenæus: hunc Archontem fuisse, inter primos eius magistratus comperior: nec ultra. De *Aristotele* autem, Strabo magnificè in verbis, quæ suprà dedi: & addidi ex Athenæo, Bibliothecam eius tandem ad Ptolomæos Reges venisse: etsi Strabo atque alij videantur negare. Nam ille ita: *Libros Aristotelis, qui ad Neleum venissent, ad* Lib. XIII. *posteriores deinde transmissos, ineruditos homines; & qui sub clauibus eos, sine usu ullo habuissent. Denique sub terram conditos, à blattis & tineis vitiatos, tandem Apelliconi Teio magnâ pecuniâ addictos fuisse. Qui erosos lacerosq; describi, vulgari, et si parum bonâ fide aut iudicio curasset. Eo autem mortuo, Sullam Athenis potitum, eosdem libros suos fecisse, Romam misisse, ibique Tyrannionem Grammaticum ijs usum, atq; (ut fama est) intercidisse, aut inuertisse. Quibus similia aut eadem Plutarchus, in Sullâ. Quæ si vera, quomodo ad Philadelphum à Neleo venerint, Athenæo suprà assertum? Nisi fortè (atque ego arbitror) ipsos quidem Aristotelis libros, ab illo, inquam, scriptos.*

* Olymp.
CXVII.

scriptos Neleus tenuerit, posterisque transmiserit, ut peculiarem thesaurum: at reliquam vim alienorum scriptorum, vendiderit Philadelpho. Neque memoratu digna alia de Græciæ Bibliothecis legere memini: & Romani haud dubiè pleraque talia ad se transduxerunt, Græciâ iam potiti: nisi placet Byzantinam his accensere, quæ Principum ævo fuit. Nam Zonaras & Cedrenus tradunt, Basilisci imperio, *Bibliothecam ibi conflagrassè, in quâ centum viginti millia librorum essent recõdita: inter ea Draconis intestinum, cxx. pedes longum, cui aureis litteris Homeri Ilias atque Odyssèa fuerint inscripta*. Et si hæc Thraciæ propriè, non Græciæ attribuenda.

CAP. IIII.

Attalica Bibliotheca, cui Eumenes auctor. Plinij & Vitruuij aliqua hinc fortè inconsiderantia. Quanta, & quàm diu fuerit.

Lib. XIII.

Lib. XIII.
cap. XI.

SICUT & Attalica siue Pergamena, Asiæ: quæ proxima claritate ab illâ Alexandrinâ fuit. Nam Attalici Reges, è paruis progressi, cùm societate opibusque Romanis creuissent: sedem regni Pergamum variè, tum & Bibliothecis, exornarunt. Eumenem, Attali Regis filium, auctorem huic rei Strabo prodidit: *Eumenes, inquit, urbem instruxit, & donarijs ac Bibliothecis, uti nunc est, eleganter excoluit*. Et Plinius, qui scribit, *emulatione circa Bibliothecas Regum, Ptolomæi & Eumenis, supprime chartas Ptolomæo, membranas Pergami, ut Varro auctor est, repertas*. Cui paria Hieronymus, in Epistolâ ad Chromatium, itemque Ælianus tradiderunt: sed *Attalum*.

lum, pro *Eumene*, nominantes. Enimuerò de neutro horum satis conuenit, si tempora examinas: quoniam isti posteriores *Philadelpho*, toto ferè sæculo, fuerunt. Quomodo igitur, quod Plinius ait, *amulatio* inter eos? Nisi hoc subuenit, *Ptolomaum* simpliciter nominari: qui alius à *Philadelpho* esse potuit, & *Ptolomeus Quintus*, cognomento *Epiphanes*, cum *Eumene* vixit. Atque ille fortasse (quamquam de insigni eius studio in Bibliothecas nihil proditum) chartam suppressit, inuidiâ, ne alter veterem illam nouâ suâ æquaret. Sed error siue inconspicuo clarior in Vitruuio, qui his verbis scripsit: *Reges* Lib. vii. initio.
Attalici, magnis Philologiae dulcedinibus inducti, cum egregiâ Pergami Bibliothecam, ad cõmunem delectationem, instituisent: tunc item Ptolomeus, infinito Zelo cupiditatisq, studio incitatus, non minoribus industrijs, ad eundem modum, contenderat Alexandria comparare.
 Quid? ut Attalici reges ante Alexandrinos in hoc studio? ut exemplum ardoremq. isti ab ijs sumpserint? Imò verò contrà fuit, & peregerant iam, cùm nec illi cogitarent. Nisi & hîc placet de posteriore aliquo *Ptolomæo* adducere & velare, sed velare. Ceterùm Bibliotheca hæc nec copiâ, nec æquo, Alexandrinam æquauit. Nam de utroque isto Plutarchus scribit, Antonium In M. Antonio. iii. virum, fascinatam
 amoribus *Cleopatæ*, χαρίσασθαι μὲν αὐτῇ τὰς ἐν πρυγᾶμου βιβλιοθήκας, ἐν αἷς εἴκοσι μυριάδες βιβλίων ἀπλῶν ἦσαν:
gratificatum ei Bibliothecam Pergami, in qua essent ducenta millia singularium librorum, id est voluminum.
 Hoc enim opinor ἀπλὰ βιβλία dici, cùm in vno volumine plures sæpè libri: quos non vult in numerum hunc venire. Ergo ea ipsa statim post Alexandrinam periit, sed

in eâ vixit: an & in loco suo reuixit? Certè Strabonis suprà verba si attendis, significant: cùm ait, *Uti nunc est, excoluit*. Quando *nunc*? Strabonis scribentis, id est, Tiberij æuo. Vt appareat, aut reuectam ab Augusto victore esse, qui pleraque irrita Antonij fecit; aut certè exscriptam iterùm, & instauratam. De quo, præter suspicari, non equidem dicam.

C A P. V.

Romana Bibliotheca, priuata: & prima publica Asinij Pollionis.

ATQUE hæ Bibliothecæ, quas memoratu dignas apud exteros repperi: veniamus ad Romanas, situ & æuo magis propinquas. Satis enim tarda ibi hæc cura aut studium, apud Martis non Musarum proles: etsi, cum bono Deo, hîc quoque cultus & elegancia denique inualuit, paruis primò initijs, vt solet. Isidori notatio est: *Romam primus librorum copiam aduexit Æmilius Paulus, Perse Macedonum rege deuictò: deinde Lucullus è Ponticâ prædâ*. Duos nominat, qui libros aduexêre, sed publici vsus aut iuris non prorsus fecêre. Et de Æmilio, haud vltrà legi: de Lucullo, Plutarchus vbertim. *Laudanda eius impensa, inquit, & studium in libris. Nam & multos, & eleganter scriptos, conquissuit: eosq; vt liberaliter parauit, ita etiam vt endos dedit*. Patebant enim omnibus Bibliothecæ, & in porticus adiectas atque exedras Graci præsertim recipiebântur: qui velut ad Musarum ædem eò ventitabant, tempusq; inter se iucundè traducebânt, ab alijs curis liberi. Sæpè & ipse cū ijs versabatur, &

philo-

philologis se immiscebat, ad has porticus & ambulationes veniēs. Ex quibus vides, ILLVSTRISSE PRINCEPS, velut publicas fuisse has Bibliothecas, & quamquam ius mancipiumque sibi retineret, vsum tamen eruditis concessisse: quod & benignè vos facere soletis. At verò tertium etiam his duobus licebat addere, Cornelium Sullam, postea Dictatorem: qui è Græciâ Athenisque magnam librorum vim traduxit, & Romæ deposuit ac disposuit: quod, præter Plutarchum, * Lucianus etiam scripsit. Tamen his omnibus verè Publica Bibliotheca nōdum structa: quam cōgitationem primus magnanimus & magnificus ille Iulius Cæsar concepit, ac, nisi fata interpellassent, effecisset. Suetonius de eo: *Destinabat Bibliothecas Græcas & Latinas, quàm maximas posset, publicare, datâ M. Varroni curâ comparandarum ac dirigendarum.* O rem magni animi, atque item consilij! Nam quis in orbe terrarum huic curæ aptior M. illo Varrone, doctissimo inter Græcos Latinosque? Sed destinavit Cæsar, non perfecit: Augustus, adoptione filius, inter alia ornāmēta vrbis & imperij, hoc quoque plurifariam adiunxit. Nam eo inuitante atque incitante, Asinius Pollio, orator & Senator nobilis, (Suetonio narrante) *Atrium Libertatis exstruxit*, atq; in eo Bibliothecam publicavit. Isidorus: *Primus Romæ Bibliothecas publicavit Pollio, Græcas Latinasq; , additis auctorum imaginibus, in Atrio, quod de manubys magnificentissimum instruxerat.* De manubijs, inquit: nempe Dalmatarum, quos vicit. Item Plinius: *Asi-* Lib. xxx-
 nius Pollio, *primus Bibliothecam dicando, ingenia homi-* ii. cap.
 num rem publicam fecit. In Atrio Libertatis fuisse, id est 11.
 in monte Auentino, ex istis constat: quod tamen instru-

ctum aut reparatum ab eo magis dixerim, quàm exstructum. Nam iamdiu antè id fuisse, & quidem à Tib. Graccho, patre Gracchorum, Plutarchus atque alij scriptores dicunt. Itaque ipse refecit, & ad hunc vsum spendidè concinnauit. De eo Ouidius capiendus:

III. Trist.
eleg. I.

Nec me, quæ doctis patuerunt prima libellis,

Atria Libertas tangere passa sua est.

Non enim viros doctos audio, qui hæc ad λέγω, siue conuentum poëtarum, ducunt. Palàm libellus conqueritur, non receptum se in Bibliothecam Asinij, quæ *prima patuit*, siue publicata est, *doctis libris*.

C A P. VI.

Augusti, Octauia; itémque Palatina. Præfecti & custodes ijs.

Lib. XLIX.

In Marcello.

ATQVE hæc igitur sub Augusto prima Publica fuit: duæ mox aliæ, ab ipso. Prior, *Octauia*: quam sororis suæ memoriæ & nomini dedicauit. De eâ Dio Cassius, in actis anni DCCXXI. *Augustus Porticus & Bibliothecas, à sororis nomine Octauias dictas, exstruxit*. Et si Plutarchus tamen in ipsam Octauiam transscribere hoc opus videtur: Εἰς δὲ τιμὴν αὐτῆς (μαρκέλλου) καὶ μνήμης ὀκταβία μὲν ἡ μήνης τῶν βιβλιοθηκῶν δῶκεται, καὶ αὐτὰρ δὲ θεατὸν, δῶα γράψας μαρκέλλου: In honorem ac memoriam defuncti Marcelli mater Octauia Bibliothecam dedicauit, *Cæsar Augustus Theatrum, Marcelli nomine inscriptum*. Falli Plutarchum opinor: quia Dionis quidem notatio totis decem annis citerior est Marcelli morte. Atque addit, ex *Dalmatarum manubijs* opera ea structa:

structa: miro concursu, vt prima atque altera Bibliotheca genti Barbaræ debeantur. De hac & Suetonius, in *Melisso Grammatico: Citò manumissus, Augusto etiam insinuatus est, quòd eleganter curam ordinandarum Bibliothecarum in Octauia porticu suscepit.* Nota, in ipsâ Porticu fuisse: quomodo? superiore eius parte, vti arbitror, tutò & decorè: cùm inferior ambulationi modò esset. De hac Ouidius item sensit:

Altera templameto, vicino iuncta theatro:

111. Trist.
eleg. 1.

Hæc quoque erant pedibus non adeunda meis.

Nam & ab hac Bibliothecâ spretum se libellus queritur: & locum vbi fuerit, designat. Quem? vicinum Theatro Marcelli. *Templa* autem dicit, quia in hac Porticu *Iunonis ades* fuit, & nobiles in eâ statuæ: quod Plinius dicit. Altera porrò ab eodem Augusto Bibliotheca est, *Palatina*, à loco dicta: quia in ipso Palatio. Suetonius: *Templum Apollinis in eâ parte Palatina domus excitauit, quam fulmine ictam desiderari à Deo haruspices responderant. Additæ Porticus, cum Bibliothecâ Latinâ Græcâque.* Id factum anno Urbis DCCXXVI. vt ex Dionis LIII. initio discas. Itaque temporum ordinem in Bibliothecis recensendis Ouidius secutus est, cùm primò *Asiniam*, tum *Octauiam*, denique istam *Palatinam*, sic adnumerat:

Inde timore pari gradibus sublimia celsis

Ducor ad intonsi candida templa Dei.

Signa peregrinis vbi sunt alterna columnis,

Belides, & stricto barbarus ense pater.

Quæq; viri docto veteres fecere nouiq;

Pectore, lecturis inspicienda patent.

*Querebam fratres, exceptis scilicet illis,
Quos suus optaret non genuisse pater:
Quarentem frustra, custos, & sedibus illis
Præpositus, sancto iussit abire loco.*

Præter alia, ostendit & Præpositum siue Custodem huic loco fuisse: quem Suetonius facit *C. Julium Higinum*. Is in Grammaticis celebris, præfuit, ut inquit, *Palatina Bibliotheca*; nec eò secius plurimos docuit. Imò seorsim *Græca* custodem suum habuit, & *Latina*. In marmore præfuit: ANTIOCHVS. TI. CLAVDII. CAESARIS. A. BIBLIOTHECA. LATINA. APOLLINIS. In alio: C. IVLIVS. FALYX. A. BIBLIOTHECA. GRAECA. PALAT. Et similes alibi inscriptiones. Huius Bibliothecæ meminit & Plinius: *Videmus Apollinem in Bibliothecâ templi Augusti Tuscanicum, quinquaginta pedum à pollice*. Et si possis referre etiam ad Vespasiani Augusti Bibliothecam, quæ in Pacis templo fuit. Apertiùs de Palatinâ, idem Plinius alibi: *Veteres Græcas litteras fuisse easdem panè, quæ nunc sunt Latina, indicio erit Delphica tabula antiqui æris, quæ est hodie in Palatio, dono Principum Minervæ dicata, in Bibliothecâ*. Hanc diutissimè Romæ mansisse, inducor credere verbis Io. Sarisberiënsis, qui scribit: *Doctorem sanctissimum illum Gregorium, non modò Matheſim pepulisse ab Aulâ, sed ut traditur à maioribus, incendio dedisse probatæ lectionis*

Scripta, Palatinus quacumque recepit Apollo.

In quibus erant præcipua, quæ caelestium mentem, & superiorum oracula hominibus videbantur reuelare. Notandum.

Lib. xxx-
iiii. cap.
vii.

Lib. vii.
cap. lviii.

Lib. ii. De
aug. Cur.

CAP. VII.

Tiberij, Traiani, Vespasiani, item Capitolina: alia ignota.

AB Augusto igitur, artium ingeniorumque amantissimo Principe, duæ istæ fuerunt. quid ab alijs? aliæ. Videtur enim certamē in hac re Principum fuisse, & velut contendisse de palmâ. Ecce *Tiberius* statim ab Augusto, in ipso Palatio etiâ struxit, eâ parte quâ Viam Sacram spectat. Nam illîc *Tiberij* domum fuisse, curiosi talium hodie autumant: & in domo eius hæc locatur. Ab Agellio: *Cum in domus Tiberiana Bibliothecâ sederemus, ego & Apollinaris. A Vopisco item: qui usum se scribit libris è Bibliothecâ Vlpia, item ex domo Tiberiana.* Videtur & *Vespasianus* deinde struxisse, & adiunxisse templo Pacis. de quâ Agellius: *Commentarium L. Aelij, qui Varronis magister fuit, studiosè quasiuimus, eumq; in Pacis Bibliothecâ repertum legimus.* Meminitq; & Galenus, De composit. medicamentorum. Fuit item à *Traiano* alia. de quâ etiam Agellius: *Sedentibus fortè nobis in Bibliothecâ templi Traiani.* Atq; est eadem, quæ à gentili Principis eius nomine, *Vlpia* passim nominatur. Vopiscus: *Hæc ego à grauib; viris comperi, & in Vlpia Bibliothecis libris relegi.* Iterumque: *Et si his cōtentus nō fueris, lectites Græcos, linteos et iam libros requiras, quos Vlpia tibi Bibliotheca, cum volueris, ministrabit.* Hæc in foro Traiani initiō fuisse, vbi Principis eius alia opera, facilè persuadeor: sed æuo mutasse, & translatam in collem Viminalem, ad ornâdas Diocletiani Thermas, (an ab ipso Diocletiano?)

Vopiscus

Lib. XIII.
cap. XVIII.

In Probo.

Lib. XVI.
cap. VIII.

Lib. I.

Lib. II.
cap. XXVII.

In Aureliano.

Vopiscus inducit. *Vsus sum*, inquit, *precipue libris ex Bibliothecâ Ulpia, atate meâ Thermis Diocletianis.* Cùm disertè de suâ dicit, ostendit igitur, aliâ *atate* aliter fuisse. Reperio & *Capitolinam*, in vrbe. de quâ Eusebius, in rebus Commodi Imperatoris: *In Capitolium fulmen ruit, & magnâ inflammatione factâ, Bibliothecam, & vicinas quasque ades, concremauit.* Vberiùs hoc ipsum ita Orosius: *Flagitia regis pœna urbis insequitur. Nam fulmine Capitolium ictum, ex quo facta inflammatio Bibliothecam illam, maiorum studio curaque compositam, adèsque alias iuxtâ sitas, rapaci turbine concremauit.* Quis tamen eius auctor? adserere haud liceat, diuinare libeat, Domitianum fuisse. Nam ille, seruatus olim in Capitolio, templum ibi Princeps struxit: quid si & hanc Bibliothecam? Etsi nemo tradidit, qui nunc exstant: Suetonius hoc tantùm de eo vniuersè: *Bibliothecas incendio absumptas impensissimè reparari curauit, exemplaribus undique petitis, missisq; Alexandriam, qui describerent emendarèntque.* Vbi obserues, etiam tunc illam *Alexandrinam* velut originem & matricem aliarum habitam, & has corruptas ex eâ iterùm refectas & adornatas. Amplius, Principum studio ab interitu vindicatas: quod nisi fuisset, quomodo tam multæ illæ ad P. Victoris, id est Constantini æuum, venissent? Nam ille sic inter singularia vrbis notat: *Bibliotheca publicæ, undetriginta. ex ijs præcipue duæ, Palatina & Ulpia.* Heu, quàm etiam à memoriâ perierunt! nam ex illis xxix. vix septem industria nostra indagare potuit, & nomina saltem ab obliuione vindicare.

Lib. vii.
cap. xvi.

Cap. xx.

CAP. I I X.

*Tiburtina, & quadam etiam Priuatorum vberiores.
Habebant in Balneis, atque item in agris.*

PLVRES, inquam, Publicas non eruo: non quidem in vrbe. iuxta eam, Tiburi, etiam vnam. De quâ Agellius: *Meminimus in Tiburti Bibliothecâ inuenire nos* Lib. ix. cap. xiiii. *in eodem Claudij libro scriptum.* Iterumque: *Promit è* Lib. xix. cap. v. *Bibliothecâ Tiburti, quâ tunc in Herculis templo instructa satis commodè erat.* Hic & alibi de *Templis* adnotes, & ferè iuxta ea aut in illis fuisse. Quidni, sacra illa ingeniorum opera, in locis sacratis? Fortassis autem Hadrianus Imp. illam Tibure instruxit, quem eo loco & secessu impensè delectatum constat, variaque & ampla inædificasse. Etsi mihi certum, alijs municipijs colonijsque Bibliothecas sparsas fuisse, æquè atque artium istû cultum. Sed & priuatim viri diuites, vsus & famæ causâ, sibi pararunt: & nobiles ex ijs quasdam. Sicut Tyrannio Grammaticus, Sullæ temporibus: qui *tria millia librorum* possedit. Sicut *Epaphroditus Cheronæus*, item Grammaticus professione, quem Suidas tradit, *sub Nerone ad Nervam Romæ vixisse: & adsiduè libros ementem, usque ad triginta millia collegisse, optimorū quidem & selectorum.* Laudo hoc vltimum: nec tam copiam quæri, quàm bonitatem, cum dilectu. Optarim hunc fuisse, qui Epicetum, apicem veræ Philosophiæ, in seruis habuerit: & æuum consentit: sed titulus & munus vitæ dissentit, cum iste *Grammaticus* fuerit, alter è *custodibus corporum Neronis*, eodem Suidâ prodente. Sed quisquis iste, superauit

D eum

eum *Sammonicus Serenus* in hoc studio: qui Bibliothecam habuit, in quâ sexagintaduo millia librorum censebantur. Is moriens eam reliquit *Gordiano minori*, qui gustavit Imperium: Capitolino traditum, cum hoc elogio: *Quod Gordianum quidem AD CÆLVM TVLIT. si quidem tanta Bibliotheca copiâ & splendore donatus, in famam* * *hominum litteratorum decorè peruenit*. Vide

* Legi ma-
lin: homi-
num, lisse-
vatorū ore
peruenit.

ILLVSTRISSE PRINCEPS, quàm hæc cura gratiam famamque pariat, vobis magnis infatiabiliter parandam. Atque hi, aut pauci alij, proditi sunt insigniores Bibliothecas habuisse. plures tamen fuere: & Seneca commune hoc studium iam tunc suo ævo ostendit, & damnat. Damnat. quare? *Non enim in studium, inquit, sed in spectaculum comparabant. sicut plerisque ignaris etiam servilium litterarum, libri non studiorum instrumenta, sed canationum ornamenta sunt.* Et mox addit: *Apud desidiosissimos ergo videbis, quidquid orationum, historiarumque est, & tecto tenus exstructa loculamenta. Jam enim inter balnearia & thermas, Bibliotheca quoque, ut necessarium domus instrumentum, expolitur.* Malè, fateor: & utinam tamen nostri diuites si lasciuiant! semper cum alieno aliquo, si non suo, vsu & bono. Obseruare autem hîc est de *Balneis & Thermis* etiam: sicut supra notauimus, illam *Vlpian* in Diocletiani Thermis dicatam. Cur autem ibi? credo, quia corpori curando otiosè tunc vacabant: & igitur occasio erat legendi aliquid, hominibus aliàs occupatis, vel audiendi. Enimuerò etiam in Villis & Prætorijs passim habebant: ab eâdem hac, otij & vacationis ibi, causâ. Ad quem morem Pauli Ic^{ti} responsum dirigitur: *Fundo legato libros quoque*

De Tran-
quil. ca. ix.

que & Bibliothecas, quæ in eodem fundo sunt, legato contineri. Plinius de suâ villâ: *Parieti, in Bibliotheca speciem, armarium inseritur*. Martialis, alterius cuiusdam Iulij Martialis, villaticam Bibliothecam commendat. Lib. II.
epist. XVII.
Lib. VII.

*Ruris Bibliotheca delicati,
Vicinam videt unde lector urbem,
Inter carmina sanctiora siquis
Lasciua fuerit locus Thalia,
Hos nido licet inferas vel imo,
Septem quos tibi misimus libellos.*

CAP. IX.

*Ornatus Bibliothecarum, ebore & vitro. Armaria,
& Foruli, & Plutei, & Cunei.*

PEREGI de Bibliothecis: & produxi, quas æuum quidem non subduxit. Ut rem dicam, paucas è multis: & *stillicidium de situlâ*, veteri verbo: tamen vel hæc satis ad stimulum, & exemplum. An & ad aliquid de ornatu earum siue instructo? fiat. In Isidoro lego: *Peritiores architectos neque aurea lacunaria ponenda in Bibliothecis putasse: neque pavimenta alia, quàm è Carystio marmore. quòd auri fulgor hebetet, & Carystij viriditas, reficiat oculos*. Bono hoc iudicio iste, siue à quo hausit. Nam de fulgore, certum est & mihi compertum, intentioni & stilo officere: sicut de virore, liquet oculis recreâdis esse. Boëtius hoc amplius in Consolatione suggerit: *comptos ebore & vitro parietes fuisse*. Quid, parietes laterales? non ergo Armaria aut Plutei ad parietes (neque enim conspicuus sic ille ornatus fuisset)

sed in medio disposita, vt hodie quoque publicæ ferè Bibliothecæ vsurpant. Sanè Vitra olim in quadras, orbes, oua, aut rhombos distincta parietes ornabant, non aliter quàm marmoreæ crustæ: sæpiùs tamen cameras, & lacunar. Ita enim Plinius, libro xxxvi. *Pulsa ex humo pauimentu in cameras transiere, è vitro: nouitium & hoc inuentum.* Nouitium ita, vt tamen esset Neronis & Senecæ æuo. Nam vt de re vulgatâ Seneca, epist. lxxxvi. de Balneis: *Nisi vitro absconditur camera:* atque ibi me vide. Tamen in *parietibus* etiam fuisse, præter Boëtium, Vopiscus ostendit, in Firmo: *Nam & vitreis quadraturis, bitumine alijsq; medicamentis insertis, domum induxisse perhibetur.* Bitumen autem hîc ad committendum nectendumq; parieti accipio insertum, non ad ipsas quadras iungendas: quas decorè magis ebur (vt in Boëtio) distinxit. Atque id etiam in Armarijs ipsis fuit: vnde *Emborea Bibliotheca* in Pandectis legum: & in Senecâ, *Armarmaria cedro atque ebore aptantur.* Armarmaria autem fuisse in Bibliothecis, res & hodierna vsio demonstrant: sed addo, numeris suis distincta. Ita Vopiscus: *Habet Bibliotheca Vlpia in Armario sexto librum elephantinum.* Elephantinum. an ex ebore, an in corio elephanti perscriptum? Vetus Scholiastes Iuuenalis, in illud: *Hic libros dabit & forulos.*] *Armarmaria*, inquit, *bibliothecâ.* Etsi propriè, opinor, *Foruli*, ipsi *nidi*, vt cum Martiale dicam, librorum, siue cum Senecâ, distincta *loculamenta.* Sidonius & hæc & alia in Bibliothecis collocat: *Hîc libri affatim in promptu. videre te crederes aut Grammaticales Pluteos, aut Athenæi Cuneos, aut Armarmaria exstructa Bibliopolarum.* *Pluteos*, id est tabulas inclinatas transuersum,

De Tran-
quil. ca. ix.

Lib. 11.
epist. ix.

uerſim, quibus libri legendi imponerentur: *Cuneos*, ſcamnorum ſeriem, vt in Athenæo, ſic digeſtâ: *Armaria* autem plena & alta, quæ dixi. Ea *Pegmata* Cicero ad Lib. 1. Atticum videtur appellâſſe.

CAP. X.

Imagines in ijs doctorum, laudabili more: cui origo ab Aſinio.

SED vel præcipuus ornatus, & imitandus, meo iudicio, nondum hodie imitatus, ſunt *Imagines* ſiue & *Statuæ* doctorum, quas vnâ cum libris diſponebant. Nõne pulchrum, & ſuaue oculis ac cogitationi fuit? Naturâ trahimur ad ſimulacra & effigies magnorum virorum noſcendas, & illa corpora, ſiue hoſpitia, quibus cæleſtis ſe animus incluſit: ecce hîc erat. Homeri, Hippocratis, Ariſtotelis, Pindari, Virgilij, Ciceronis, & alia ſcripta videres aut libares oculis: vnâ etiam imaginem ſcriptoris adiunctam. Iterum repeto, pulchrum: & te ILLVSTRISſIME præeunte, cur non uſurpamus? Romanum hoc inuentum videtur: ne omnia bella ad Græciam referantur: & Plinius inclinât. *Nullum maius* (inquit pulcherrimâ gnomâ) *felicitatis ſpecimen arbitror, quàm ſemper omnes ſcire cupere, qualis fuerit aliquis.* *Aſinij Pollionis* hoc Romæ inuentum, qui primus Bibliothecam dicando, ingenia hominum rem publicam fecit. *An priores cæperint Alexandria & Pergami Reges, qui Bibliothecas magno certamine inſtituere, non facile dixerim.* Itaque Aſinius

Lib. xxxv,
cap. 11.

videtur auctor . qui etiam (eodem Plinio prodente)
 Lib. VII. M. Varronis , in *Bibliothecâ* , quæ prima in urbe (ab-
 cap. XXX. surdè in orbe alij) *publicata est* , unius viuentis posuit
imaginem . Quod tamen & alijs postea , indulgentiâ
 an iudicio , datum video : & nominatim Martiali poë-
 Præfat. ta . qui gloriatur , quòd *Stertinius imaginem eius po-*
 lib. IX. *nere in Bibliothecâ suâ voluerit* . Sed plerumque mor-
 tuorum , & quos famæ consensus iam sacrasset . Plinius :
 Lib. XXXV. *Non est praterendum & nouitium inuentum . siqui-*
 cap. II. *dem non solum ex auro argentove , aut certè ex ære , in*
Bibliothecis dicantur illi , quorum IMMORTALES ANI-
MÆ in ijsdem locis loquuntur ; quinimò etiam quæ non
sunt , finguntur , pariuntque desideria non traditi vul-
tus . Appellat *novitium* , id est Pollionis , *inuentum* . of-
 tendit mortuorum , & è metallo plurimùm fuisse : sed
 addo etiam è gypso , in priuatis (pro cuiusque scilicet co-
 piâ) Bibliothecis . Iuuenalis :

— *quamquam plena omnia gypso*

Chrysippi inuenias .

Imò & in tabulis , opinor , imagines fuère : & fortasse
 De Tran- in librorum fronte picturâ etiam expressæ . Seneca : *Ista*
 quill. *exquisita , & cum imaginibus suis descripta sacrorum o-*
 Cap. LXX. *pera ingeniorum* . Suetonius in Tiberio : *Scripta eorum*
& imagines , publicis Bibliothecis , inter veteres & re-
ceptos auctores , dedicauit . Plinius in Epistolis : *Heren-*
nus Seuerus , vir doctissimus , magni æstimat in Biblio-
thecâ suâ ponere imagines Cornelij Nepotis , & Titi At-
tici . Itaque vtrumque , & Statuæ & Imagines fuère .
 Plinius idem , de Silio Italico : *Plures ijsdem in locis vil-*
las possidebat . multum ubique librorum , multum statua-
 rum

*rum, multum imaginum: quas non habebat modò, verum-
etiam venerabatur. Virgilij ante omnes. Vopiscus, de
Numeriano: Huius oratio tantum habuisse fertur elo-
quentie, ut illi statua, non quasi Cæsari, sed quasi Rhetor-
i decerneretur, ponenda in Bibliothecâ Ulpia, cui sub-
scriptum est: NUMERIANO. CÆSARI. ORATORI.
TEMPORIBVS. SVIS. POTENTISSIMO. Sed & Si-
donius sibi ibidem positam, iure gloriatur:*

*Cùm meis poni statuam perennem
Nerua Traianus titulis videret,
Inter auctores utriusque fixam
Bibliotheca.*

Significat, & in Græcâ & Latinâ Bibliothecâ, statuam se habuisse. Ceterùm minores illæ imagines siue statuæ pluteis plerumque impositæ videntur, ante suos quæque libros. Iuuenalis:

Et iubet archetypos Pluteum seruare Cleanthas.
Veteris distichi ea mens, quod Imaginitali Virgiliana
subscriptum fuit:

Lucis damna nihil tanto nocuere poëta.

Quem presentat honos carminis & Plutei.

Significat, videri viuere, qui in libris & imagine viuunt. Inde & *Sigilla Plutealia* apud Ciceronem, ad Atticum. Nam iam tunc Bibliothecas exornabant Deorum, si non auctorum sigillis.

CAP. XI.

*In occasione de Muséo Alexandrino . docti viri ibi
habiti atque aliti, in publicum bonum. Reges aut
Imperatores ei curabant.*

* digna di-
ci.

ET plura equidem super Bibliothecis, quæ * ἀξιόλογα
sint, non habeo: vnum etiam, quod ad earum fru-
ctum. Nam si solæ eæ, aut rarus aduentor, si homines, in-
quam, non sunt qui frequentent & euoluant: quò ista
congeries? & quid nisi *studiosa quædam luxuria* sint, vt
Seneca appellat? Prouiderunt hoc quoque Alexandri-
ni Reges: & vnà cum illis *Muséum* (ita dixerunt, qua-
si *Musarum ædem*) exstruxerunt, in quo fas esset Musis
operari, à ceteris rebus feriatos. Imò & à vitæ victúsque
curis vacuos: cum alimenta ijs hîc è publico darentur.

Lib. xvii.

Præclarum institutum! quod vnus Strabo optimè descri-
bit: Τῶν δὲ βασιλείων μέγῃ ἐστὶ καὶ τὸ μουσεῖον, ἔχον θέατρα
καὶ θέατρα, καὶ οἶκον μέγαν, ἐν ᾧ τὸ συσσίτιον τῶν μετε-
χόντων τῷ μουσεῖου φιλολόγων ἀνδρῶν. Εἰς δὲ τῇ συνόδῳ ταύ-
τῃ καὶ χεῖματα κοινὰ, καὶ ἱερῶς ὁ ἐπὶ τοῦ μουσεῖου τεταγμένῃ,
ᾧ τε μὴ ὑπὸ τῶν βασιλέων, νυνὶ δ' ὑπὸ καίσαρῃ: *Pars
etiam Regia est Muséum, quod ambulationi & sessui
loca habet, & magnam vnā domum, in quā conuiuiunt
& comedunt vnà, qui Muséi consortes sunt, litterati vi-
ri. Habet autem hoc collegium & pecuniam siue vecti-
galia in commune, & Sacerdotem item, qui Muséo præ-
est, olim à Regibus, nunc à Casare constituendum. Pri-
mum ait, Regia siue Aula partem fuisse. Scilicet adnecti
sibi & iungi voluerunt Reges, vt in propinquo & prom-*

ptu

ptu essent eruditi isti, cum quibus differerent, cum libitum, animo docendo, & pascendo. Habuit *Porticus* & *Exedras*: illas exercitio corporis magis, has animi, & ubi confidentes altercarentur & conferrent. Fuit & *Domus*, ubi communis *is victus est mensa*: quod sic etiam Philostratus expressit, de Dionysio: quem in *Muséum* re-
In vitâ
Dionysij
Milelij.
ceptum scribit, additque: τὸ μουσεῖον τεράπεζα αἰγυπία
 ξυκαλοῦσα οὖν ἐν πάσῃ τῇ γῇ ἐλλογίμοις: *Muséum autem est Ægyptia mensa, quæ conuocat omnes in uniuersâ terrâ litteratos*. Verba pensitari cupio. *omnes ex omni terrâ*: & viden' numerum, nec rem tenuem & parui impendij fuisse? Quod & Timon Sillographus indicat, etsi more & instituto suo carpens:

Πολλοὶ μὲν βόσκονται ἐν αἰγύπτῳ πολυφύλῳ
 Βιβλιακοὶ χαρακτεῖται, ἀπείρετα θεριόωντες,
 Μουσέων ἐν ταλάρῳ.

*Per multi pascuntur in Ægypto populosâ
 Pugnantes libris, ac semper digladiantes
 Musarum in caueâ.*

Nam, explicante Athenæo, τὸ μουσεῖον τάλανρον που φη-
Lib. i.
 σιν, Ἰπποκώπων οὖν ἐν αὐτῇ τετρεφοιτοῖς φιλοσόφοις, ὅτι ὡς περ
 ἐν πηγάρῳ πνὶ στυῶται, κατὰ περ οἱ πολυτιμότεροι ὄρνιθες:
*Muséum dixit Caueam, irridens Philosophos qui in eo
 alebantur, velut pretiosæ quædam aues*. Iste Philosophos
 nominat, sed Strabo uniuersè ἐλλογίμοις ἀνδρας dixit, *lit-
 teratos doctosque viros*: & omne genus haud dubiè rece-
 ptum. Sed *viros* ait: non ergo pueros aut iuuenes, &
 qui velut in spem studiorum (hodie solitum) educaren-
 tur. Non. quin istud velut præmium eruditæ, & quies
 quædam honesta fuit: haud aliter quàm Athenis, benè
 E de rep.

de rep. meritis victus erat in Prytanéo. Vbi estis PRINCIPES? & quos vrit aut excitat honestus æmulandi ignis? Sed pergit Strabo, & *Sacerdotem* præficit, Regum aut *Cæsarum dilectum*. Magna igitur dignitas, & quæ ab ipso Cæsare conferenda. Sed quid, quòd ipsa ibi loca idem Cæsar adsignaret? Ita enim Philostratus, de Dionysio Sophistâ: Ἀδριανὸς σατραπῶν αὐτὸν ἀπέφηνεν ὅτι ὀλίγων ἐθνῶν. κατέλεξε δὲ τοὺς δημοσίᾳ ὑποδούσι, καὶ τοῖς ἐν τῷ μουσείῳ στυμφοῖσι: *Hadrianus Imp. Satrapam siue Prefectum eum constituit non exiguarum gentium: & adscripsit inter eos qui publicè equo veherentur: itémque qui in Muséo alerentur*. Iterùm, de Polemone: Κατέλεξε δὲ αὐτὸν καὶ τῷ τῷ μουσείου κύκλῳ ἐς τὴν αἰγυπτίαν σίτησιν: *Allegit eum (Hadrianus) & Muséi conuentui, ad Ægyptiam mensam*. Sed notem ibi vocem κύκλῳ, circulo (etsi ego *Conuentui* reddidi:) quâ significari arbitror, in orbem remiuisse, & quosdam allectos tempestiuè, & in antecessum: id est, priusquam locus vacuus etiam esset. Sed spes sustentabat, & ordine succedebant, qui sic adscripti: vt hodie in beneficiorum collatione Principes quidam vsurpant. Athenæus denique huius donationis à Principe etiam meminit: vbi ait *Pancratem quemdam poetam, ingeniosè Hadriano adulatum de Antinoo suo: atque ille*, inquit, ἠδεδὲς τῇ δόξει, τὴν ἐν μουσείῳ σίτησιν αὐτῷ ἔχειν ἐχαρίσατο, *delectatus inuenti iunculâ, cibum in Muséo illi gratificatus est*. Atque hæc Strabo alijsque super loco & instituto: licet addere, non vacuam omnino aut otiosam ibi vitam vixisse (quî possent viri bono publico nati?) sed aut scripsisse, aut disseruisse, & recitasse. Ita Spartianus tradit, *Hadrianum Alexandria in Muséo multas qua-*

stiones

stiones Professoribus proposuisse, aut propositas dissoluisse. Adde Suetonium, in Claudio: qui & Muséum hoc, Cap. XLII.
altero addito, adauxit: vt certi libri ibi quotannis recitarentur. Desino

DUX ILLVSTRISIME. & te è magnis, ad omnia magna natum, hortor viam hanc veræ laudis porrò insistere, & libris litterisque propagandis, æternitati tuum nomen consecrare.

A P P R O B A T I O.

Libellus iste utiliter admodum in lucem proferetur, quòd præter Bibliothecarum originem ac fructum, ea contineat, quæ ad stimulum conferant & exemplum. Quas, si quidem auctorum sint optimorum ac selectorum, non immeritò Seuerinus Boëtius certissimas Philosophiæ sedes appellat, vt in quibus ipsa cum erudito lectore de humanarum diuinarumque rerum scientia differat.

Guilielmus Fabricius Nouiomagus Apostolicus
ac Archiducalis librorum Censor.

RV DOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fideli dilecto IUSTO LIPSIO gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria imprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudibus etiam & imperito hominum vulgo ita distinguuntur, ut tanquam Dij quidam splendescere in terris videantur: rem sane præclaram seque dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare, ad dignitatis nostræ munus, ad quod Diuino vocati beneficio concessumque sumus, imprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florecentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisi, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeo & raram doctrinam, quæ magnam de te apud doctos quosque viros opinionem excitavit, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrociniisque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcumque fraudem, quæ lucri causa, quod fieri solet, eadem excudere aut typis imitari fortè velint munitos cupimus. Quamobrem pro auctoritate nostra Cæsarea decernimus, statui mus, veramusque, ne quis Typographorum, Bibliopolarum

aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines, triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimùm cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solùm eiusmodi libris, tibi, hæredibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici; alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiàmve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscumque modis coerceri curent, ni & ipsimet grauiissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senfftenaw.

Ad mandatum sacra Cæsareæ M^{ti} proprium.

Io. Baruitius.

Additum sigillum Cæs. M^{ti} in cerâ rubrâ.

SVMMA PRIVILEGII REGIS CATHOLICI.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, IUSTI LIPSI Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, hereditumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalesve habeat. Qui secus faxit, præter librorum confiscationem triginta marcharum auri puri illatione mulctabitur. Vti latius patet in litteris, datis Bruxellæ, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

HENRICVS Dei gratia Galliarum & Nauarræ Rex Christianissimus, singulari priuilegio sanxit, nequis per Vniuersos Regnorum suorum fines, IUSTI LIPSI, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secus faxit, præter librorum confiscationem, ter mille florenorum illatione mulctabitur; vti latius patet in litteris, datis Parisiis, XIII. Iulij, M. DC. V.

Signat.

Perrochel.

Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti hoc meum DE BIBLIOTHECIS SYNTAGMA typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.



SPECIAL

PA

8546

A6

1602

V.2

87-B

20914

Bound with:

87-B

20942

21377

21407

21417

21420

21562

21613

21830

THE GETTY CENTER
LIBRARY



JUSTI LIPSII
OPERA

TOM.
II.